
DISSERTATIO MEDICA

INAUGURALIS,

DE

VIGORE ET DEBILITATE,

EORUMQUE SIGNIS IN CORPORE HUMANO.

1854

VIGOR ET DIGNITAS
TO TUNC SIGNA

ANNO DOMINI 1854

ET AGGREGATIONE

D. GEORGI

ACADEMIAE LITTERARUM ET SCIENTIARUM

AMPLISSIMI SENATVS ALMA MATER

ET UNIVERSITATIS PATRIS

PRO GRADU DOCTORIS

SUMMISSE IN MEDICINA

ARTIS ET LITTERARUM

THOMAS ET ALII

JACOBUS CORNING

SOCIETAS REGIA

SIS REGIA

REGIA

1854

1854

1854

1854

1854

1854

1854

1854

1854

1854

1854

1854

1854

1854

1854

1854

1854

1854

1854

1854

6

DISSERTATIO MEDICA
INAUGURALIS,
DE
VIGORE ET DEBILITATE,
EORUMQUE SIGNIS IN CORPORE HUMANO;
QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, SS.T.P.
ACADEMIAE EDINBURGENAE PRAEFECTI;
NEC NON
AMPLISSIMI SENATUS ACADEMICI Consensu;
Et NOBILISSIMAE FACULTATIS MEDICAE Decreto;
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit
JACOBUS CORKINDALE,
SCOTUS,
SOCIET. REG. MED. EDIN.
BIS PRÆSES ANNUUS,
NEC NON
SOCIET. NAT. STUD. EDIN.
NUPER PRÆSES ANNUUS;
VIII. Cal. Julii, Horâ locoque solitis.

IN administrandis remediis memoriâ semper tenere oportet, non nominis morbi solum, neque sanè generalis ejus naturæ, rationem esse habendam, sed multas vel minutissimas sæpè res esse respiciendas, tum quæ ad morbi originem et causas, et *indiciorum varietatem et conjunctionem*, tum quæ ad *ægri statum, et vires*, et peculiarem fortassè corporis constitutionem, attinent.

CONSPECT. MEDICINÆ.

EDINBURGI:
EXCUDEBANT C. STEWART ET SOCII,
ACADEMIAE TYPOGRAPHI.

1801.

Digitized by the Internet Archive
in 2020 with funding from
Wellcome Library

VIRO SPECTATISSIMO,
JOANNI YOUNG, S. R. S. EDIN.

LITERARUM GRAECARUM
IN ACADEMIA GLASCUENSI

PROFESSORI

SALUTEM

JACOBUS CORKINDALE.

*Neceſſe erat mihi, morem conſuetudini hujus Aca-
demiae gerenti, ut meae Diſſertationi imponam no-
men alicujus, quem ſummo in honore habeo, aut cui
ob beneficia accepta devinctus ſum. Hoc officium
obiturus, ne per exiguum quidem tempus praedubio
haeſi; nam nemo uſquam mihi notus eſt, Te erudi-
tior, nemo feliciore ingenii acumine inſignis, nemo in
re Grammatica magis peritus. Quantam voluptate
Tibi aurem per quadriennium praebui, nunc memi-
niſſe juvat, et ad ultimam vitam ſemper juvabit:
tuæ enim Prælectiones, etſi de rebus ſæpè minutis,
nunquam veram et accuratiſſimam Scientiam non repletæ
ſunt. Nec decet tacere beneficia et honores, quæ in
me, tuum Alumnum, contuliſti; de his animum ſem-
per gratiſſimum gero. Vale, Vir Egregie, et in bo-
nam partem hoc pignus meae obſervantiæ accipe.*

DISSERTATIO MEDICA

INAUGURALIS,

DE

VIGORE ET DEBILITATE,

EORUMQUE SIGNIS IN CORPORE HUMANO.

AUCTORE JAC. CORKINDALE.

CORPUS animale, dum vitâ fruitur, multis et variis fungitur muneribus, quæ, propter inter se similitudinem, ad capita diversa, seu classes, apud medicos *functiones* dictas, referri solent. Hæ verò functiones, licet causa ignota ipsius vitæ fortasse sit prorsus unica, et indivisa, pro effectibus ex causis distinctis ortis, in sermone communi, habentur. Hinc omne animal, quod ad plures functiones obeundas valet, tot *viribus* diversis præditum esse dicitur.

Sed vires vitæ animalis tam gradu quam genere, multum inter sese differunt : nam nulla est functio, quæ omni in genere animalium, aut in quocunque animali ejusdem generis, aut eodem in animali omnibus temporibus, eadem actionis vi perficitur. Calor, quo corpus humanum morbo immune gaudet, prope ad gradum nonagesimum et septimum pervenit ; ranæ verò, eodem in aëre viventis, non altiùs quam circa gradum quadragessimum et quintum ascendit. Vis, igitur, quæcunque fit, quâ calor animalis alitur, fortior in illo, quam in hac, habenda est. Alteri, qui aliquam rem ex mille passuum clarè videre potest, major est vis perceptionis quam alteri, cui res eadem, ad eandem distantiam remota, indistinctè et confusè apparet. Satis quoque clarè constat, motûs muscutorum in aliquo tabe vel febre laborante, quam integrâ valetudine fruente, vim multò esse minorem. Hoc modo vis functionis cujusque variari potest ; hincque Vigor et Debilitas evadunt qualitates, quibus vita animalis afficitur.

Hîc verò quæstio, tàm difficilis, quàm momenti haud levis, se prodit ; nimirum, *quænam sint illae corporis humani conditiones, quæ nomina vigoris et debilitatis jure merentur ; et quænam signa ad illas dignoscendas valeant ?*

Hæc verba apud medicos semper in ore sunt ; hinc ad Medicinam, tàm practicam, quàm theoreticam, multùm nostra interest, ut hac de re cognitionem claram certamque habeamus. Nam illa verba haud minus in scriptis medicorum, quàm in sermone communi ambigua et malè definita sunt ; adeoque pro conditionibus corporis humani omninò diversis non rarò usurpantur : hincque Pathologia et Therapeia, invitâ Minervâ, ad elementa nimis simplicia et generalia à nonnullis redacta sunt.

Secundum quamdam Theoriam nostris temporibus latè pervulgatam, et à medicis haud imperitis summâ laude elatam, hæcce affectiones, scilicet, gradus virium diversi, non solùm cunctas valetudinis secundæ formas, sed etiam totam illam morborum, quibus corpus humanum afficitur, cohortem soli faciunt. His, igitur, affectionibus

nibus cognitis, nihil Physiologiæ aut Pathologiæ ferè ampliùs nobis cognoscendum esset, quò ad medicinam ritè faciendam omni ex parte instruamur.

Quidam vigoris in vitæ functionibus gradus, docentibus hujus Theoriæ fautoribus, salutem ; erroresque, sive ad excessum sive ad defectum ab hoc gradu, cuncta in Nosologia genera morborum faciunt. Sic igitur quantum vigoris aut debilitatis unumquemque morbum faciat, comperitum habere penès nos sit ; et si (ut ipsa Theoria quoque imperat) res omnes ad corpus humanum afficiendum valentes plùs minùsve, quâdam vi stimulandi vel roborandi præditas esse credamus ; gradum vigoris ad arbitrium nostrum moderari ; et ad salutis punctum, aut nimium vigorem subigere, aut debilitatem morbosam levare et excitare facillimè possumus.

Si quid in hac doctrina veri sit, medicina non minùs, quàm aliæ scientiæ, perfecta est ; et ars nostra, heu ! fatis diu meritò dicta *conjecturalis*, debet quam primùm ab humo se erigere, superbiamque meritis quæsitam sumere ; et tantâ fide, quantâ

quantâ tonfores focii nostri barbam *amputare*, aut caliendum texere possint, se ægris opem et integram valetudinem esse laturam promittere audet. Annon hanc doctrinam pro vera accipere, et tantam medicinæ fidem dare nos deceat, ex investigatione, quæ nunc nobis in consilio est, ad exitum perductâ, forsitan elucebit.

Hæc verò investigatio quoque iis, qui hanc theoriam jamdudum prorsûs rejecerint, prodesse potest; nam etsi nobis procul omni dubio sit, totam morborum omnium naturam, et causam proximam minimè è vigoris excessu et debilitate solis constare: tamen postea clarè apparebit, quèd, secundum gradum vigoris, quo æger præditus sit, omnes à statu sano defectiones multùm variari possunt; hincque in medicina faciendâ, remedia roborantia, aut infirmantia ad ægri vires accommodata cum aliis, quæ ad morbos ipsos tollendos propria sunt, conjuncta, nobis utenda sunt.

In signis, quibus vigor et debilitas in corpore humano dignoscantur, exquirendis, præcipuè ad functionum conditiones est respiciendum. Nam
 ipse

ipsæ vitæ vires aut facultates nostris ab oculis longè remotæ sunt ; et de earum statu quod ad excessum vel defectum, effectibus solis, qui ab iis oriuntur, certiores esse possumus. Nobis sunt igitur observanda omnia, tam in ægris, quam in iis integrâ valetudine fruentibus, quæ nostris sensibus obvia sint ; quippe quæ à viribus vitæ effecta, ad vigorem, quo causa vitæ ipsa suis muneribus fungitur, ostendendum valent. Eodem consilio effectus, quos quædam res externæ ad corpus humanum sæpè admotæ, edere solent, sedulò quoque notandi sunt. Si in quocunque morbo remedia sic dicta *roborantia* multùm profuerint, si in alio eadem majores functionum læsiones intulerint ; si in illo *infirmantia* detrimento, in hoc bono fuerint ; debilitatem in illo, vigorem in hoc magis adesse, nobis concludere licet ; et jure quidem, quatenus saltem argumenta à *juvantibus* et *lædentibus* apud medicos aliquid valeant. Confitendum verò est, hanc methodum admodùm esse fallacem ; nam modus, quo pleraque remedia suos effectus in morbis sanandis producant, ferè prorsùs, omni
conjecturâ

conjecturâ rejectâ, nobis latet. Opiniones nostræ circa modum, quo nonnulla remedia corpus humanum afficiunt, à commentis de morborum causis proximis, solùm deducuntur. His verò commentis nihil aliud est fundamenti, nisi cognitio ficta et vana circa modum, quo eadem remedia suos effectus edunt. Hæc methodus verò æquè à Logica, quàm sensu communi abhorreere videtur. In investigatione sequente eundem errorem evitare conabor; nam à remediis solis, quorum effectus benè cogniti, et in corpore sano ac morbis laborante similes sint, argumenta quærere est nobis propositum. Nemo, ut mihi videtur, inficias ibit, sanguinis detractionem, validam alvi purgationem, frigus diuturnum, victumque tenuem, (tenuem quod ad ægri consuetudinem relatum) vi infirmandi; et contrà vinum, victum lautum, Corticem Cinchonæ, Alkalique volatile, vi roborandi prædita esse.

Sed priùs quædam observationes præponenda sunt, quàm ad propositum ipsum progrediar.

Nulla fortasse corporis humani conditio datur, quæ *Excessus vigoris* plenè et absolutè appellari meretur,

meretur. Nam in Pneumonia, Catarrho inflammatorio, Phrenitide verâ, Rheumatismoque acuto, quæ morbi indolis *sthenicæ* vulgò recensentur, quæque feliciter methodo infirmandi tractari solent, nonnulla sunt indicia, quæ potiùs debilitatem, quam nimium vigorem produnt. Languor, nausea, anorexia, sensus lassitudinis, vis motûs musculorum depressa, animus demissus, aliaque ejusdem generis symptomata minimè pro excessûs vigoris indiciis haberi debent. Ægris quoque ex his morbis convalescentibus, cibus benè nutriens, vinum, aliaque stimulantia et roborantia liberè concedenda sunt, etsi remedia infirmantia parcâ manu adhibita fuerint. Hinc nec in sermone communi, nec medicorum unquam dictum est, ægros his morbis decumbentes nimio vigore affici. Non tamen mihi latet, illa debilitatis indicia, delirio hisce in morbis urgente, pleraque nonnunquam abesse, signaque contraria in conspectum venire. Appetitus cibi fit inextinguibilis, facultas movendi intensa, oculi truces, et facies tota præter solitum vivida. Quoniam verò hæc affectiones non semper adsint, aliis in functionibus

Etionibus quærendus est ille vigoris excessus, qui talium morborum comes fidus est, et qui usum methodi infirmantis suo jure postulat.

Quibusdam ægris maniâ laborantibus est vigor, in sensu ferè absoluto *nimius* appellandus. Animus ferox, sensus acuti, mens velox, facilitas loquendi mira, appetitus et perturbationes acerrimæ, festinatio et inquietudo omnibus in negotiis perpetua, vis artuum insolita, resectio virium plena ex parco somno, et demùm facultas solitâ major res nocivas impunè tolerandi; hæc aliaque in maniacis sæpè observata, vigoris nimii indicia haud dubia sunt. Quoniam verò judicium, et facultas menti insita sese gubernandi multùm deficiant, in mania quoque excessus vigoris, saltem quod ad functiones omnes, non perfectus, nec omninò expletus est.

Debilitatis duo sunt genera, multùm celebrata, fortassè inter se differentia, non quod ad eorum indicia, sed potius quod ad causas, quibus oriuntur. Duo putà sint homines, quorum alter per triduum nec cibum nec potum sumpserit; alter verò idem tempus helluatione perpetuâ contrive-

rit. Ambo, die quarto, cùm in conspectum nostrum veniant, ferè nihil diversi ostendunt. Utrique eadem est vultûs hebetudo et languor, eademque omnibus in functionibus vitæ debilitas. Hæ tamen conditiones, reverà inter sese admodum similes, à causis valdè dissimilibus oriuntur. Debilitas in illa *proxima* est, quoniam ex eorum, quæ vitam alunt, defectu oriatur; in hac *secundaria*, à statu, qui præcessit, nimii vigoris induta. Illa *Astheniam Directam*, hæc *Indirectam*, ut dicuntur, facit. Hoc discrimen ex natura ipsa depromi videtur; illaque verba fortassè fatis idonea sunt: quid verò huc usque Brunoni assentire non audeamus? Haud opus est nobis huic observationi faventibus, quod in verba juremus totius doctrinæ; quippe quæ, quanto simplex et pulchra sit, tanto à veritate vacet, et phænomenis, in corpore tam sano quàm morbofo observatis, non innitatur.

Debilitas, ut mihi videtur, non semper ejusdem indolis est. Multis in morbis, five pyrexiâ, five nullâ comitatis, vis artuum prostermitur: hoc verò debilitatis indicium alio in morbo aliud est.

Quanto

Quanto vis artuum in febribus depressa à scorbutici vel phthifici debilitate distat? Quid iterum huic debilitati cum paralyfi commune sit? Debilitas quocunque in morbo vix, et ne vix quidem, iisdem remediis sanari potest; et fortassè ex causis omninò diversis oritur. Vis artuum immi-
nuta, quâ febris ingruit, et debilitas, quæ versus finem morbi facultatem movendi afficit, indolis admodum diversæ sunt: nam illa, febre subactâ, suâ sponte statim evanescit; hæc gradatim solum abit, et sæpè cibum benè nutrientem, vinum, aliaque remedia postulat. Discrimina tam clara quàm magna non prætermittenda sunt. Est quidem Philosophiæ res *similes* ad capita magis generalia referre, non verò res valdè *dissimiles* confundere, et sine ordine miscere; nam hinc oritur confusio, quæ medicinæ tam practicæ quàm theoreticæ haud parum nocet. Quicunque morbi igitur à debilitate, quæ planè indole diversâ sit, comitantur, minimè ad eundem ordinem referri debent.

Non tamen mihi in animo est, (nam opus nimis difficile foret,) omnium vigoris defectuum,
diversis

diversis in morbis occurrentium, naturam et indicia exquirere: tantum ad vigorem et debilitatem, eorumque signa, ut in *Pyrexiiis* occurrant, animadvertere nunc propositum est.

Nobis igitur est incipiendum à pulsu arteriarum; quippe qui, magis quam cæteræ functiones omnes, à corporis statu afficitur.

Arteria, per suam distentionem, digitum explorantis nonnunquam magnâ vi ferit; hinc pulsus *Validus* aut *Fortis* esse dicitur.

Distentio autem arteriæ ex unda sanguinis per ventriculi sinistri contractionem impulsâ oritur. Ex momento igitur sanguinis aucto distentio valida evadit. Hoc verò momentum auctum ex aucta sanguinis copiâ, ex ejus vi stimulandi præter solitam intensâ, aut ex facultate in ipso corde contrahendi nimiâ oriri potest. Hæ affectiones ex immodica chyli copiâ, ex oxygenii inspiratione, ex multis stimulantibus, præcipuè calore post frigus admoto, vel denique ex variis irritamentis, vel totum genus nervosum vel tantum cor afficientibus, suam originem in corpore humano ducere solent. Quoniam sanguinis detra-

ctio, cæteraque remedia *Administrationis* sic dictæ *Antiphlogisticæ* in his nocivis obsistendis, et in corporis statu, ab illis inducto, tollendo, maximè pollent ; nobis pulsum validum pro nimii vigoris indicio habere licet.

Cum contrà pulsus *Debilis* sit, distentio arteriæ pulpam digiti minore vi ferit ; vel, aut quidem dicunt, pulsus faciliùs comprimi potest. Momentum sanguinis nunc minuitur, vel ex ejus inopia, vel ex minuta vi, quâ gaudet, stimulandi ; vel quia facultas, quâ cor ipsum ad contractionem cietur, præter solitam deficit. Causis verò hanc conditionem excitantibus, et remediis, quibus tollatur, probè perspectis, parum dubii nobis relictum est, quin pulsum debilem debilitatem totius corporis prodere dicamus.

Arteria verò non solum validè, sed etiam magnam ad molem dilatari potest ; vel diametros arteriæ dilatatæ, quam contractæ, multò amplior sit. Pulsus, cum res ita habet, vulgò *magnus*, sive *amplus* esse dicitur. Pulsus *plenus*, ut mihi videtur, idem valet ; nam quomodo arteria, cum non penitus impleatur, magnum ad molem dilata-

tari

tari potest, dicere nescio. Cùm pulsus magnus et plenus adfit, copia sanguinis præter solitam aucta unaquâque cordis contractione impellitur. Oritur verò partim à nimia plenitudine ; partim à viribus, quibus cor ad contractionem cietur, auctis ; quo ventriculus se penitus depleat, et unda major in arterias transeat. Arteriæ quoque ipsæ, validam ad contractionem stimulatæ, in volumen exiguum se reducunt. Ex supra dictis nobis sperare licet, quod talis circuitûs conditio ab administratione antiphlogistica, præsertim sanguinis detracti-
one, corrigi, vel prorsus auferri possit : spes verò nostræ, re expertâ, non falluntur. Pulsus igitur plenus et magnus pro vigoris indicio habendus est.

Pulsus *Parvus* nominatur, cùm arteria expansa, quàm contracta, non multò amplior sit. Nonnunquam sanguis, cum nulla arteriæ dilatatione evidente, instar formicæ, prorepere videtur ; hinc pulsus *Formicans* dicitur. Satis constat, pulsum parvum, quod ad causas, indicationes, et curationem, pulsui magno sive pleno directè oppositum esse ; et igitur pro debilitatis signo haud immeritò recenseri.

Durities

Durities pulsûs ægrè verbis definitur, sed à medico haud difficilis distinctu est. Arteria chordæ vibranti æmulari videtur; hinc pulsus esse *Tensum*, et *Chordatum* dicere solemus.

Pulsus durus, secundum Fordyce, illum peritissimum medicum, sub initio contractionis arteriæ sentitur.* Oritur verò, ut mihi videtur, ex valida arteriæ systole, copiam sanguinis auctam impellente. Utcunque hoc sit, pulsus durus valido admodum similis est, et eundem, ac hic, totius corporis statum indicat.

Pulsus *mollis* ægrè quoque definitur, verò distinctu facilis, indolis prorsus contrariæ est: itaque remedia roborantia postulat; neque sanguinis detractionem facilè tolerat, sæpè omninò respuit. Hîc tamen benè notandum est, pulsus mollem, cum sit quoque plenus, non debilitatem morbosam, sed potiùs statum remediis infirmantibus tollendum, indicare. In quibusdam pneumoniâ laborantibus, qui sanguinis jacturam benè ferunt, pulsus plenus et mollis adest; hinc orta est opinio illa Veterum, nimirum, quòd
apud

* Diff. On Simple Fever, p. 73.

apud pneumonicos pulsus mollis, in ipso pulmonum parenchymate; durus, in pleura sive costali, sive pulmones investiente, inflammationem suum locum habere, indicat.

Inter *Celeritatem* et *Frequentiam* aliquid discriminis intercedit: illa ad tempus, quo ictus ipse perficitur; hæc ad intervallorum durationem refert. De Celeritate autem in hoc sensu receptâ, nihil amplius dicere mihi in animo est; partim quia perdifficilè distingui potest; partim, quia ferè semper frequentiaë comes est, et fortassè ab eadem causâ oritur.

Pulsus *frequens* ad nullum ictuum, qui horæ *minuto* peraguntur, numerum certum et definitum refert: nam frequentia, quæ valetudine incolumi observatur, alia in aliis est; et quælibet ab ea erratio non rectè pro morbi indicio habetur. Quidam æger, cui, integrâ valetudine fruente, arteriæ ictus viginti et quatuor in horæ *minuto* peregerant, febre acutâ, cum pulsus quadraginta tantum numerati sunt, affici habitus est: et rectè quidem, nam, ictibus septuaginta et quinque pro frequentia communi sumptis,

tis,

tis, quadraginta apud hunc ægrum tantum, quantum centum et viginti quatuor apud cæteros, valebant.* Talibus verò prætermiſſis, pulſus 68ties in *minuto* micans, *tardus*; 84ter, *frequens*, appellari meretur: adeòque relinquitur ſpatium ſexdecim ictuum, qui ſine valetudinis periculo variari poſſunt.

Pulſus præter ſolitum tardus in morbis aſtheniâ ſtipatis nonnunquam obſervatur; nam arteriæ ipſæ torporis, quo totum corpus hiſce in morbis afficitur, ſæpè participes fiunt.† Interdum quoque cerebrum, ut in Apoplexia Hydrocephalica evenit, ex vafis turgidis, aut ex effuſione, compreſſionem patitur.

In morbis quoque ſanguinis jacturam aliaque infirmantia benè ſerentibus, pulſus aliquantò tardior ſolito interdum evadit. *Ruſh*, ille peritus medicus, nos certiores facit, ſe ægros, febre illâ flavâ decumbentes, nonnullos vidiffe, quorum pulſus quadraginta in horæ *minuto* tantum nu-

C

meratĩ

* Falconer on the Pulſe, p. 52.

† Jackson on Fevers, p. 186.

merati sunt; et ex venæsectione adhibitâ, multò frequentiores statim evasêre.* Idem, observante Huxham, in pneumonia haud rarò evenit. Quò medici compertum habeant, annon pulsus tardus, ubicunque accidat, vigoris aut debilitatis indicium sit, haud difficile videtur. Ex aliis, quæ adsint, symptomatis, ex juvantium et lædentium usu, *Diagnosis* clara certaue deduci potest.

In pyrexiiis tam sthenicis quàm asthenicis, pulsus præter naturam frequens est; longiùs verò, ut mihi videtur, in his, quàm in illis, super frequentiam sano in corpore solitam plerumque ascendit. Pulsus validus, plenus, et durus, rarò supra centum et viginti numeratur: pulsus verò debilis, parvus, et mollis, plerumque hoc numero frequentior evadit; et sæpè ictus debiles ducenti numerari possunt. Aliquem numerum certum pro summa pulsûs validi frequentia eligere, fortassè impossibile est. Hoc tamen Dr. Falconer conatus est. “The utmost boundary,
“ (ait ille,) of the pulse in inflammatory fevers is,
“ when

* Vide Rush on the Yellow Fever.

“ when its proportion to the natural standard
 “ of the individual is as 1.6 to 1 : while the fre-
 “ quency of debility is in the proportion of 1.76
 “ to 1.”*

Annon hæc computatio omninò naturæ consentanea sit, haud dicere possum ; de doctrina verò supra dictâ, ex multis auctorum observatis, nos certiores fimus. Morbis inflammatoriis in debilitatem per suum decursum mutatis, pulsus multò quàm in initio frequentior fit. Hinc oritur summa illa pulsuum frequentia, quæ in ultimo Apoplexiæ Hydrocephalicæ † stadio, et apud ægros ex cæteris morbis acutis moribundos sæpissimè observatur.

Cum

* Falconer on the Pulse, p. 51.

† In hoc morbo pulsus frequentissimus præcipuè ex cerebri compressione oriri videtur ; nam idem ex osse cranii depresso evenit ; nimirum, pulsus in initio tardus, tandem frequentissimus evadit. Cur pulsus, ex cerebri functione magis impeditâ, frequentior fiat, ratio forsitan patet, ex paulò post dictis de debilitate ab aliis causis oriente.

Cùm pulsus præter naturam frequens, et insuper plenus, et validus sit, crebræ oriuntur cordis actiones; partim ex copia sanguinis auctâ per venas redeunte; partim quoque, quia illa in ipso corde vis, quâ ad contractionem cietur, præter solitum intensa est. Sanguinis verò impetus, pulsu frequentissimo, at parvo, debili, molli, non augetur, immo potiùs imminuitur: scilicet conatus crebriores à vasis faciuntur, tamen ad undam plenam sanguinis impellendam non valent. Ventriculus igitur cordis, et arteriæ ipsæ non benè depleta, citiùs iterum distenduntur; quo ad contractionem novam stimulum sentiunt. Haud rarò quoque accidit, fibras musculosas, five voluntati parentes, five non, quo minore vi præditæ sint, eo mobiliiores fieri, vel ad contractiones faciliùs excitari. Hinc vasa sanguifera, quòrum fibræ debiles fiant, ex parciore quam solitâ distentione, contrahere incipiunt. Hisce verò in affectionibus morbosis, ex vini aliorumque roborantium usu, pulsus minus frequens fit, et tantò plenior, et fortior evadit.

Memoriâ

Memoriâ autem tenere oportet, quibusdam in morbis, nimirum, Gastritide, et Enteritide, in quibus sanguinis detractio sine gravissimo discrimine negligi non potest, pulsum parvum et frequentissimum plerumque observari. Hic tamen ab illo pulsu, supra pro debilitatis comite recensito, distinguendus est, quippe qui, quamvis parvus, tamen durus, tensus, vel, ut quidam dicunt, *contractus* esse reperitur.

Corpus animale huic legi sibi propriæ subiectum est, nimirum, quod ejus vires, cum debiles fiant, sæpè abnormè, interdum cum vigoris specie suis muneribus fungantur. Hinc oriuntur spasmi et convulsiones, quæ morti præire solent. Affectiones ejusdem generis in fibris musculosis, sanguinem moventibus, eveniunt. Hæ verò sunt illi motus abnormes, quibus pulsus afficitur. Ictus interdum omittitur; intervalla inæqualia sunt; ictus quod ad eorum vim inter se differunt; et, contractione in medio relictâ, nisus denuò ad illam perficiendam fit. Hæc exempla aliaque similia, quæ apud medicos nomina nanciscuntur, pro debilitatis signis, ut mihi videtur, plerumque haberi debent.

debent. Memoria verò tenendum est, quibusdam in morbis, à causa locali aut læsione organicâ orientibus, et nullâ astheniâ insigni stipatis, illos motus abnormes sæpè adesse. Sic, pulsus *intermittens*, cùm quibusdám malis organicis comes fit, interdum à sthenica pulmonum, præsertim cordis ipsius, inflammatione, suam originem ducit. Alii quoque in circuitu motus abnormes nonnunquam oriuntur, ex nimia sanguinis copiâ, vasa ipsa quasi opprimente, *

Illæ conditiones pulsûs diversæ, jam nunc enumeratæ, pro primis et certissimis vigoris et debilitatis signis haberi benè merentur. Cætera in cæteris vitæ functionibus nunc mihi quærenda sunt.

In sanguine humano, et animalium homini similium, continetur principium, quod suâ sponte cogitur. Hæc autem coagulatio, pro pulsûs varietatibus antea dictis, admodum variatur. Cùm pulsus plenus, fortis, et durus fit, gluten tardius quàm solitò se cogere incipit; quo fit, quòd particulæ rubræ abundantius inum petant, serumque
pleniùs

* V. Huxham on Fevers, p. 181.

Rush on the Yellow Fever, p. 37.

pleniùs effluere sinatur: hinc crassamentum, tenax, contractum, crustâque albâ instar corii tectum, apparet. Gluten verò, sanguine è venis ægri, cujus pulsus præter solitum parvus, et debilis sit, misso, citiùs coagulationem subit; quo particulae rubrae, serumque ferè prorsùs retinentur, et crassamentum superficiei floridae, et solutu facile observatur. Fortassè à coactione tardiore efficitur illa cohesio glutinis firmior, eodem modo, quo ferrum aut vitrum, per operationem Anglicè *Annealing* dictam, tenacius redditur. Nam corpuscula lentiùs à fluido ad solidum transeuntia, alterum cum altero, quo sua attractio mutua validissima est, se adjungere possunt. Utcunque hoc sit, crassamentum coriaceum, et tenax, vigorem; floridum et dissolutum, debilitatem indicat.

Haud verò mihi ignotum est, huic signo parùm confidere quosdam medicos; quippe qui dicunt, illam crustam ex symptomatis expectatam sæpè abesse, interdum quoque inopinatò se prodere. Nos verò meminisse oportet, hanc minorem ad coagulationem proclivitatem induci aut impediri posse, ab aliis, præter in circuitu vigorem et debilitatem,

bilitatem, causis ; quarum effectus pro phænomenis illis inopinatò observatis rationem plenam reddunt.

Illa crusta tenax, quâ crassamentum obducitur, pro fida inflammationis comite et indicio diu habita fuit ; minus rectè quidem, ut mihi videtur : nam, ut in Hæmorrhagiis, Variola, aliisque Exanthematis, quæ inflammationi affinia sunt, crustam observatam taceam ; sanguis ægrorum Tertianis, præsertim vernalibus, et Synochâ sine morbo topico, decumbentium *, persæpè superficiem coriaceam ostendit. Præterea, ut fusiùs suo loco ostendere mihi propositum est, inflammatio gravissima topica corpus humanum nonnunquam afficit, cùm sanguis missus citiùs quàm solitò coagulationem subit, crassamentumque floridum, molissimum, et penè dissolutum ostendit.

Hic nexus, qui inter cujusvis animalis vigorem, et sanguinis ejus coagulationem intercedit, ab experimentis per Hewson factis, extra dubium relinquitur. Nam, sanguine ovis in pateras plures recepto, “ The blood,” ait ille, “ which came
“ from

* Frank. de Cur. Hom. Morb. tom. 1. 185.

“ from the vessels immediately on withdrawing
 “ the knife, was about two minutes in begin-
 “ ning to coagulate ; and the blood taken later,
 “ or as the animal grew weaker, coagulated in
 “ less and less time, till at last, when the ani-
 “ mal became very weak, the blood, though
 “ quite fluid as it came from the vessels, had
 “ hardly been received into the cup before it
 “ was coagulated.” *

Omnium vitæ functionum illa, quæ calor hu-
 mani corporis alitur, et temperatur, haud levissi-
 mi momenti est ; mutationesque, quas subit, sum-
 mam medicorum attentionem optimo jure sibi
 vindicant.

Calor corporis humani integrâ valetudine fru-
 entis, Thermometro ritè admoto exploratus,
 semper ad gradum nonagesimum et septimum
 pervenit. Cùm pulsus fortis, plenus, admodum-
 que solito frequentior sit, calor ad gradum 100,
 aut 105, vel etiam ad 110, augetur ; qui pulsum
 parvum, debilem, et frequentissimum comitatur,

D infra

* Experimental Enquiry into the properties of the
 blood, p. 61.

infra gradum valetudinis descendit. Hoc in membris extremis, quibus circuitus magis languet, præsertim observatur. Hinc membra frigida apud medicos pro summæ debilitatis in viribus vitæ indicio vulgò habentur. Eadem in morbis topicis eveniunt. Calor in parte ab inflammatione affectâ, intenditur : dum gangræna, impetu circuitûs deficiente, frigescit. † Si nihil amplius, quàm supra dicta, de calore morbido cognitum esset, nobis liceret, ut statuamus, calorem salutis propè ad gradum 97 esse ; calorem *auctum*, vires nimias ; *imminutum*, debilitatem, indicare. Si verò ad quosdam morbos, quibus homines plectuntur, vel minimè incumbatur, hæc conclusio multùm veritate abhorruisse apparebit ; ad alia principia igitur confugiendum est. Illa tamen observatio prior, nempe, quòd pulsus fortis, plenus, et durus, calore plurimùm aucto stipatur, ferè sine ulla exceptione recipienda est : hæc verò multis exceptionibus objicitur ; nam debilitas in sanguinis circuitu, nisi cùm extrema sit, calore supra gradum 97 intenso plerumque stipatur.

† Leslie's Inquiry con. Animal Heat, p. 48.

stipatur. Operæ igitur pretium faciemus, si, quanto opis est nobis, conaremur deprehendere, quid discriminis inter calorem auctum vigoris, et debilitatis, vel, (si ita loqui fas sit,) inter calorem *sthenicum* et *asthenicum* * intercedat.

Calor *sthenicus*, altiùs quàm *asthenicus*, supra gradum valetudinis plerumque ascendit. Hinc calor plurimùm auctus in Synochæ, parùm auctus in Typhi definitione reperitur. Idem ab auctoribus in medicina practica haud parvi nominis observatur. † Non verò obliviscendum est, hanc observationem non semper veram esse; nisi cùm medicus de caloris gradu, Thermometri ope, certior factus fuerit: nam ægri summâ debilitate affecti, nullo vel minimo per Thermometrum ostenso, de sensu caloris gravissimo interdum queruntur. ‡ Hinc quoque, ut quibusdam placet, oritur aliud, inter calorem *sthenicum* et *asthenicum*, cum,

* His verbis solum causâ brevitatìs utor. Calor *sthenicus*, pulsus fortis, pleni et duri; *asthenicus*, debilis, parvi et frequentissimi, comes est.

† V. Huxham on Fevers, p. 126, 127.

Frank de Cur. Hom. morb. tom 1. 105, 184.

‡ Jackson on Fevers, p. 192

cum, discrimen. Calor sthenicus, ut Frank loquitur, semper est *verus*, vel Thermometrum afficiens ; asthenicus verò, sæpè tantùm est ad *sensum*, quippe qui ab ægro sentitur, sed nullâ in mercurio dilatatione se prodit.

Calor morbosus, qui ad Thermometrum afficiendum nihil valet, nonnunquam tactum medici peracutè afficit : ideòque *pungens, mordax, digitos urens*, esse dicitur. Hoc à Pringle, D. Monro, aliisque medicis peritis sæpè observatum est. Dr Blane his verbis describit. “ It is a peculiar
“ heat in the skin, communicated to the hand of
“ another person. It is usual to grasp the wrist
“ of the patient after feeling his pulse, in order
“ to examine the state of the skin in point of
“ heat and moisture ; and in doing this, a glow
“ of heat is impressed on the palm of the hand,
“ which lasts for some hours, if one should neglect
“ so long to wash his hands.” * Quamobrem

* Diseases of seamen, p. 34^o, 349.

Dicitur Gallicè la Chaleur d' *acrimonie*, ut distinguatur à calore vero, qui nominatur la Chaleur d' *inflammation*.

Quesnay Traité des Fievres Continues.

brems æger, cùm ejus corpus, Thermometro testante, nihil ferè quàm solito calidius sit, tantùm de calore queritur ; et, multò magis, propter quid ejus cutis tangenti sensum talem dat, non dicere ausim. Hæc verò phænomena, ut ex auctoribus à me perlectis videtur, cum evidente impetu circuitûs aucto nunquam occurrunt ; adeoque pro caloris asthenici propriis, me judicante, haberi merentur. Ex auctorum observatis quoque apparet, calorem sthenicum plerumque constantem, et per totum corpus æqualiter diffusum ; * asthenicum minus æquabilem esse, et sæpè cùm frigore alternare. † Nos verò confiteri oportet, has observationes non sine exceptione recipiendas esse. Haud tamen omninò inutiles sunt ; nam multa, quæ ad diagnosim valent, nonnullis exceptionibus obnoxia videntur ; et nihilominus, cùm plerumque veritati consentanea sint, summam omnium medicinam facientium attentionem jure vindicant.

Annon

* Excipienda est inflammatio aliquam partem afficiens, quippe quæ aliis partibus calidior sit.

† Jackson on Fevers, passim.

Annon color cutis ulla vigoris aut debilitatis ægrotantium signa præbet, nunc est nobis inquirendum.

Cum cor arteriæque fortiùs quàm solitò suis muneribus funguntur, corporis superficies florida, plena, et quasi tumida, apparet; nam vis sanguinis aucta ad maiorem copiam in vasa cutis impellendam valet. Cutis vero pallida, fæda, rugosa, impetum sanguinis imminutum plerumque comitatur. Hæc præcipuè ad vultum referunt, quippe qui mutationibus, quas totum corpus subit, facilè afficitur; et præ aliis partibus attentionem medici vindicat. Minimè verò negandum est, summam cutem, impetu sanguinis deficiente, interdùm erubescere. Hoc tamen, partes solùm afficiens, et citò evanescens, facilè medico distinguendum est, ab illo rubore, per corpus latè diffuso, et constante, qui ex vi cordis et arteriarum auctâ suam originem ducere solet.

Urina hominis salute fruentis, ut primùm excreta, pellucida, et coloris citrini et subflavi est. Cum jam friget, *nebula* sic dicta conspicitur; nam quædam materia mucilaginosâ non longiùs soluta,

soluta, et in urina adhuc natans, admodum turbidam reddit. Cùm circuitus sanguinis fortius quàm solito peragitur, vis hujus materiæ magna frigendo deponitur, urinamque valdè coloratam et turbidissimam facit. Hinc urinæ, quas ægri febre inflammatoriâ affecti reddere solent, *ardentes flammæ* et *rubræ* ab auctoribus appellantur.* Viribus verò cordis et arteriarum deficientibus, vix, ac ne vix quidem ulla mucilago è solutione se evolvit; urinaque pellucida nullum mutationis inter frigendum subit. Hinc, qui Typho laborant, urinam pallidam, crudam, et sedimento carentem plerumque reddunt. Memoriâ verò retinendum est, urinam, cùm multum debilitatis adsit, nonnunquam longè aliam esse; nam fluidum quod ex vesica excernitur, sæpè crassum, fuscum, interdum nigrum, malique odoris evadit. Discrimen autem, quod inter hanc, et illam urinam vigorem arteriarum auctum comitantem intercedit, nemini latere potest.

In

* Vide Frank. de Cur. Hom. Morb. tom. 1. p. 185.

In corpore morbis laborante sæpè occurrant quædam affectiones, five symptomata, vulgò *ner-
vosa* dicta, quæ, tametsi distinctu haud difficilia sint, ægrè definitione ad singula congruente comprehenduntur. Hæc plerumque vires corporis fractas esse ostendunt; nam in morbis, sanguinis jacturam aliaque infirmantiâ benè ferentibus, perrarò observanda veniunt. Potissimum constant ex virium movendi et sentiendi actionibus imminutis, abnormibus, vel præter solitum auctis. Sensuum hebetudo, torpor; vultus collapsus, et oculus languidus; difficultas devorandi, vox deficiens, aliæque affectiones paralyticæ; urinæ et fœcum alvinarum, inscio ægro, excretio; lachrymatio spontanea; gustus depravatus, strabismus et visus duplex, tinnitus aurium, cutis nimis acutè sentiens cum inquietudine; vertigo, deliquium animi ex motu levissimo, delirium mite, collectio floccorum; supratergum decubitus, et lapsus ad lecti imum; paraphonia, convulsiones, subsultus tendinum, suspirium; oscitatio frequens, et singultus; tremores, trismus, aliique spasmi tonici. Mihi verò non
latet,

latet, horum symptomatum pleraque in morbis nimio vigore stipatis interdum occurrere; tamen in indolis contrariæ morbis multò frequentius adsunt. Præterea symptomata nervosa, in morbis sthenicis occurrentia, plerumque aliquid habent sibi proprium, propter quod pro debilitatis indiciis haberi non possunt. Alienatur mens, exempli gratiâ, in phrenitide tam idiopathicâ quàm symptomaticâ, interdumque cæteris in morbis, qui febres inflammatoriæ vulgò dicuntur; in his verò Delirium evadit ferox et vividissimum, toto cœlo distans ab illo prostratas vires comitante, quo æger mœrore insigni, metu, et aliquando stupore affectus, multum sibi missitat, et quæ circum fiunt, parùm curat. Benè quoque notandum est, symptomata nervosa, in morbis nimio cum vigore conjunctis, sæpè ex causis aliquam partem solùm afficientibus oriri. Singultus, exempli causâ, sæpè summæ debilitatis indicium, et lethi instantis prænuncium haud fallax est; nonnunquam verò oritur in morbis remedia antiphlogistica requirentibus. Nam singultus frequens est symptoma inflamma-

E

tionis,

tionis, septum transversum, aut hepar, aut ventriculum, aut fortassè intestina afficientis.

His generis nervosi affectionibus haud rarò adduntur alia symptomata, quæ procul dubio summæ virium jacturæ indicia sunt; quippe quæ ostendunt, vires vitæ eò usque fractas esse, quòd corpus, quasi omnino vitâ privatum, quodammodo jam putredinem incipientem subierit. Hinc ea symptomata *putrida* dicuntur. Ex his præcipua sunt, maculæ in cute lividæ purpureæque, ecchymoses, petechiæ, proclivitas ad gangrænam; sanguis è cute, naso, utero, aliisque partibus fluens; crusta, atra, aspera, quâ labia, lingua, et gingivæ obducuntur; materiæ fuscæ et nigræ per vomitum ejectio, fudores sanguinei, anima foetida, et dejectiones ex alvo odorem cadaveris putridi referentes. Hoc mihi persuasissimum est, corpus humanum, usque dum vel tenuissimâ vitæ particulâ fruitur, nullam posse subire mutationem, quæ illam, à Chemicis putredinem dictam, quod ad omnia refert. Utcunque verò hoc sit, illa, quæ jam recensui, symptomata, summæ virium jacturæ haud dubia indicia

cia sunt, et prorsus omnem cum nimio cordis et arteriarum vigore societatem respuunt.*

Hæc sunt præcipua vigoris et debilitatis indicia, quæ, ut mihi videtur, plurimum in consiliis medendi sumendis valere debent. Longè mihi absit, ut dicam, omnes, quibus homines plectuntur, morbos nihil aliud quàm diversos nimii vigoris aut debilitatis gradus esse. Cuique est sua indolis propria, et sibi peculiaris. Verum enimverò mihi persuasum est, morbum unumquemque, formas, prout vires ægri nimix aut deficientes sint, longè diversas induere posse. Hinc ad medicinam ritè et feliciter faciendam minimè satis est, quo nomine aliqua affectio morbosa apud Nosologos nota sit, exploratum habere. Medicos summâ ope niti oportet, ut insuper vigorem, quo æger omnibus vitæ muneribus fungitur, indagent; et secundum hunc exploratum administrationem remediorum dirigant.

* In ægro a D. Monro tractato, febre Intermitte laborante, petechiæ per paroxysmos apparuerunt, interque apyrexias evanescere. Vide Monro On diseases of the Army.

geant. “ Nam in administrandis remediis memo-
 “ riâ semper tenere oportet, non nominis morbi
 “ solum—rationem—habendam, sed multas—
 “ sæpe res esse respiciendas, tum quæ—ad indi-
 “ ciorum varietatem et conjunctionem, tum quæ
 “ ad ægri statum et vires,—attinent.”

Quò hoc dilucidius appareat, mihi consi-
 lium est, leviter pro exemplis attingere morbos
 quosdam ex ordinibus pyrexiarum quatuor ul-
 timis, scilicet, Phlegmasiis, Exanthematis, Hæ-
 morrhagiis, et Profluviis, depromptos. Mihi
 res in medicina gestas, et medicorum observa-
 tiones perpendenti clarè videtur, pro lege univer-
 sa habendum esse hoc principium, nimirum,
quòd unusquisque ex ordinibus supra dictis morbus,
tàm cum vigoris, quàm cum debilitatis signis existere
possit; et reverà in corpore humano ita existat:
hincque quovis sub genere species sive varietates duæ,
cùm symptomatis tùm curatione inter se prorsus diver-
sæ, recensendæ sint.

In hac autem dissertatione morbos perpaucos
 attingere possum: consilium mihi igitur est, tan-
 tùm eos percurrere, qui frequentius occurrant,

et qui nunc cum vigore, nunc cum debilitate inire non vulgò habentur.

Hepatitis, Rheumatismus, et Ophthalmia inter Phlegmasias nobis haud multum operis afferent. Hepatitis et Rheumatismus sub indole chronica æquè frequenter ac acutâ occurrere solent; et ex eorum morborum nominibus solis nunquam sumitur consilium, quo ad sanguinis detractionem confugiendum sit. Ophthalmia quoque quibusdam in ægris remedia *tonica*, in aliis *antiphlogistica* postulat.

Nemini medicorum latere potest, quòd Variola non magis cum debilitatis, quàm vigoris indicis societatem inire refugiat, adeóque duas formas diversas, nimirum, Discretam et Confluentem, induat. Hæc diversitas à multis auctoribus, verò à nullo fortassè meliùs, quàm ab Huxham, descripta fuit.* In Variola Discreta, hoc auctore testante, sanguis è venis missus crustâ tenace instar corii obducitur, et venæsectione repetitâ opus est; pulsus plenus et durus sæpè evadit, calor

* Vide Huxham, Essay on Fevers, p. 126. &c.

calor intensus, urinæque multum coloratæ. In Confluente autem, pyrexia typhodes, pulsus valdè frequens, debilis, et parvus; vultus pallidus et collapsus; urina cruda, petechiæ, profusiones sanguinis, aliaque symptomata *putrida* in conspectum veniunt; et illa administratio antiphlogistica ægris multum damni inferre solet. Haud mihi quidem ignotum est, quòd in Variolis Confluentibus, debilitate insigni, vel etiam putredine stipatis, nimirum, cum febris, sic dicta *secunda*, invalescit, cathartica sæpè exitu felici adhibentur, Alvi verò purgatio, ut mihi videtur, nunquam propter suam vim infirmandi talibus ægris aliquid boni inferre potest. In plurimis morbis Cathartica utilia sunt, quia ad sanguinis distributionem mutandam valent: nempe, quatenus ab organo vitæ necessario, ad quod plus justo sanguinis delatum erat, derivationem salutarem intestina versus efficiant. In Variolis, febre secundâ invalescente, haud rarò oritur sanguinis distributio abnormis ad cerebrum vel pulmones; quo æger, veterno, vel delirio, vel spiritûs difficultate urgente, in summo vitæ discrimine

mine versatur. Est medicinæ solertis quàm primùm mutare hanc distributionem periculosam, aut vesicatoriis, aut purgantibus, aut interdum sanguinis ipsius detractiōe. Medicus interea fortassè luget, minimam jacturam virium ab his remediis illatam esse; talis verò jactura parvi facienda est, prout necessaria ad malum periculosius summovendum. Hoc nihil aliud est quam imitari Naturam; quippe quæ nonnunquam suâ sponte derivationem salutarem efficit; nam, salivatione profusâ, aut tumore faciem, manus, vel pedes afficiente, interdum et cerebrum, et pulmones sublevantur.* Nec obliviscendum est, cathartica in his exemplis nonnunquam prodesse, tantò, quantò eorum ope ex alvo expelluntur fæces corruptæ, vel etiam ad putredinem vergentes, quæ in intestinis retentæ, procul dubio haud innoxix fuerant.

Ex Doctoris Withering observationibus patet, quòd Scarlatina Anginosa formas diversas quoque

* Pro usu purgantium in aliis morbis debilitate summâ stipatis eadem ratio reddenda est.

que induere gaudet. Symptomata, quæ hunc morbum faciunt, interdum consociantur cum pulsu pleno et duro, faucium rubore vivido, et inflammatione acutâ, intenso cutis calore aliisque affectionibus, sanguinis detractione cæterisque infirmantibus, levandis. Nonnunquam verò in ægris eodem morbo laborantibus pulsus debilis, valdè frequens, et admodum irregularis evadit; cutis ferè nihil præter solitum calet; inflammatio, quâ fauces afficiuntur, colore purpureo, et ad gangrænam proclivis est. Nunc de infirmantibus loqui nefas fit; apud vinum, corticem Cinchonæ, similiaque omnis nostra spes, et profugium manet.*

Rubeola quoque sub forma, quam usitatiùs induat, indicia nimii vigoris admodum evidentia ostendit; et per sanguinis detractionem, præcipuaque remedia antiphlogistica felici cum eventu tractatur. Auctores verò Rubeolam aliæ prorsùs indolis describunt. Pyrexia, quæ eruptioni præcedit, speciem Typhi maligni refert; et

* Vide Withering on the Scarlet Fever.

et usum remedii cujusvis generalis, nisi vini, corticis, similibumque prohibet. *

In Catarrho, qui vulgò morbus inflammatorius habetur, indicia vigoris, etsi levia, sæpè haud dubia sunt. Excretio verò muci ex glandulis membranæ narium, faucium, partiumque vicinarum, haud rarò augetur, cùm symptomata longè diversa adsint. Hoc præsertim, Catarrho epidemicè grassante, à medicis observatur. Pulsus parvus, debilis, tremulus, et valdè frequens; prostratio virium insolita, vertigo, cerebrum comate vel apoplexiâ affectum, sputa atra et foetida, cutis pallida et aspera, petechiæ livescentes, subsultus tendinum, tremoresque totum corpus afficientes; hæc aliaque symptomata, à medicis observata, procul dubio ostendunt, quòd Catarrhus interdum longè ab indole verè inflammatoriâ absit. †

F

Ille

* Vide Sauvages Nofo. Meth. tom. 1. p. 433.

Lond. Med. Ob. vol. 4. Art. XI.

† Hempel Diff. de Catarrho. Halæ. 1795. Baker de Catarrho

Ille sanguinis ex utero præter ordinem fluxus, qui apud Nosologos Menorrhagia nuncupatur, sæpè læsione functionum corporis, *pyrexia* dicta, stipatur. Hæc verò pyrexia speciem eandem non semper induit. Fæminæ indolis masculinæ, et victui lauto assuetæ, vim sanguinis majorem quàm sanis in mensibus interdum per vaginam effundunt; pulsus interea plenus et fortis evadit, sanguisque effusus superficiem coriaceam albam ostendit. His ægris sanguinis detractio, frigus, quies, aliaque administrationis antiphlogisticæ remedia integram valetudinem reducunt. Menorrhagia tamen frequentius suos impetus in constitutionis prorsus diversæ ægras facit; quippe quarum vires cæteris morbis, labore improbo, victu tenui, jam infractæ fuerant. Pulsus, durante fluxu, debilis et frequentissimus fit; sanguis, qui ex utero erumpit, nihil crustæ coriaceæ ostendit*; affectionesque convulsivæ ægras miserrimas multùm vexare solent. Hîc verò loci de plethora et nimio vigore garrere, perabsurdum est.

† Vide Hey's Observations on the Blood, p. 15, 16.

est. Remedia infirmantia, nisi cum summo ægris vitæ periculo, non adhibentur : omnis medicus peritus ad victum lautum, vinum, corticem Cinchonæ, sine mora confugit.

Mihi nunc in animo est unum tantum alium morbum attingere, qui, propterea quòd maximè momenti sit, ad ultimum locum servatur.

Inflammationes, quibus viscera thoracis afficiuntur, in Nosologia sub Pneumoniæ nomine comprehensæ, debilitati, in functionibus vitæ, ut suprâ descripta fuit, inimicæ et insociabiles esse, apud Nostrates saltem, vulgò habentur.

Indicia tam generalia, quàm propria, quæ Pneumoniam faciunt, aut definiunt, sequuntur ; nimirum, pulsus plenus, fortis, plerumque durus ; sanguis crustâ, tenace, et alba obductus ; calor plurimum auctus, urina rubra, perpauca symptomata nervosa, et ab omnibus, quæ putredinem referunt, immunitas ; respiratio difficilis, et crebra ; tussis, et dolor in quadam thoracis parte, conatu ad pulmones implendos aucta ; sputa alba, viscida, interdum sanguine tincta. Hinc inflammationes pneumonicæ, apud plerosque medi-

medicorum animos, non minus arctè cum sanguinis detractiōe, victu tenui, omniumque stimulantium prohibitione, quàm Syphilis cum mercurio, aut Intermittentes cum cinchona confociantur. Inflammatio verò, experiētiâ quorundam auctorum testante, viscera thoracis afficiens, suis symptomatis propriis per vitam prodita, et post mortem inspectiōe cadaverum adfuisse ostensa, nonnunquam cum signis summæ debilitatis haud dubiis confociatur. Talis affectio morbosa in operis Huxham, Sauvages, J. P. Frank, Jos. Frank, F. L. Kreyfig, aliorumque auctorum plenè descripta est. *

Primum omnium cum symptomatis nervosis, quæ Typhum vulgarem inducere solent, suum impetum facit. Sequuntur magna spirandi difficultas, et tussis gravis, sive nulla cum expectoratione,

* Vide Huxham on Fevers, &c.—Sauvages Nos. Method.

Frank de Cur. Hom. Morb. tom 2.

Jos. Frank. Ratio Instituti Clinici.

Kreyfig de perepneumonia Nervosa sive maligna.

tione, five cum sputis, nunc instar feri tenuibus,
 nunc sanguineis, foetidis, adeoque acribus, ut
 cutem à larynge partibusque vicinis abradant.
 Pulsus est parvus, debilis, frequentissimus, inæ-
 qualis, et crebrò se mutans. Cum pyrexie ac-
 cessione afficitur thorax dolore acuto, pungente,
 quo respiratio impedita et crebra fit. Spiritus.
 nisi cum trunco corporis erecto, difficillimè duci-
 tur; æger verò, ob proclivitatem ad animi deli-
 quum, erigi non potest. Delirium mite, vertigo,
 tremores, subsultus tendinum, et coma cerebrum
 afficiens, nunc se produnt. Nec indicia putredi-
 nis absunt; nam urinæ atræ, et sanguinæ, hæ-
 morrhagiæ ex naso, intestinisque prorumpentes,
 dentes crustâ asperâ obducti, lingua nigra, pe-
 techiæ fuscæ, et livescentes in conspectum veni-
 unt. Sanguis ex venis missus nihil crustæ cori-
 aceæ ostendit, crassamentumque vix cohæret.
 Sanguine infeliciter detracto, nihil levaminis afful-
 get; omnia in pejus ruunt, pulsus viresque
 ægri, miro in modo, deficere incipiunt. In hoste
 tam diro oppugnando ars nostra haud multùm
 valet. Ad opium verò, vinum, cinchonam, alia-
 que

que roborantia, antiphlogisticis rejectis, pro auxilio nobis confugiendum est.

Quæ jam dicta sint, hanc affectionem sub ejus forma gravissima delineant. Ad pneumoniam verò referri benè meretur ; nam omnibus, quæ hoc genus definiunt, symptomatis stipatur.

Minimè tamen mihi latet, quosdam esse, quibus placeat dicere, affectionem suprà descriptam, nihil aliud quàm pneumoniam cum typho vulgari conjunctam esse. Sed haud mihi verisimile videtur, affectionem topicam, in hac symptomatum conjunctione, indolis prorsus ejusdem esse, cum inflammatione illa, quâ, in pneumonicis sanguinis detractionem benè ferentibus, pulmones afficiantur. Utcunque verò hoc sit, rejicienda est illa opinio communis, nempe, quòd inflammatio pneumonica non solùm ex cujusdam partis affectione, sed etiam ex diathesi totius corporis inflammatoriâ, semper constat. Quomodo vasa sanguifera partis inflammatæ reverà sese habent, haud benè cognitum est : satis verò evidens videtur, eorum conditionem, quæcunque sit, non semper omninò eandem esse ; quoniam inflam-

matio

matio nunc ad suppurationem, nunc magis etiam ab initio ad sphacelum vergit.

Eodem modo formas et sthenicas et asthenicas, quas Peritonitis, Enteritis, Erysipelas, Dysenteria, aliæque pyrexiaë induere gaudent, ex multis auctorum observatis depingere possum. Quæ verò suprà dicta sunt, ad meam opinionem de indole pyrexiarum duplici et ambigûâ illustrandam nunc sufficiunt.

Nec quidem mirandum est, affectiones corporis adeo diversas ex eadem causa oriri. In Phisicis eadem causa nunquam effectus dissimiles producit; nempè, quia corpora vitâ carentia, quocunque, et eodem impetu, quo vis externa impellit, semper feruntur. Corpus verò humanum, dum vitâ fruitur, omni rerum externarum in illud agentium effectui modos adhibere pollet. Hinc quicumque morbus, quo homines plectuntur, evadit effectus non simplex, sed compositus, nimirum, ex effectibus rei alicujus externæ, et cujusdam conditionis in corpore ægri.

Procul omni dubio videtur, quosdam morbos pro rata parte suæ causæ excitantis admodum

variari.

variari. Hoc verò non de omnibus constat. Nulla, ex. gr. sunt experimenta, quæ probant, quantitatem materiæ contagiosæ minorem, Variolas Discretas; majorem, Confluentes aut malignas excitare: nec unquam quidem observatum est, quòd Variolæ Infitivæ, pro ratione materiæ insertæ, graviores aut benigniores evadunt. Nihil verò dubii relictum est, unumquemque morbum pro rata conditione ægri, formas valdè diversas induere. Hoc dilucidè apparet, cum animadvertitur ad effectus, qui ex vi externa corpori illatâ oriuntur. A gravi vulnere, contusione, aut ambustione producitur quædam functionum corporis læsio, quæ vulgò Febris Symptomatica nominatur. Hæc verò febris non semper ejusdem indolis est, etiam dum læsiones ipsæ externæ sunt omninò similes, et eâdem vi illatæ; nam in diversis ægris speciem, nunc sthenicam, nunc asthenicam induit. Est Chirurghi hanc febrem temperare, quo ab ejus impetu corpus ægri ne quid detrimenti capiat; et quo pars ipsa læsa, et nunc inflammata, in resolutionem, aut suppurationem sanam abeat. Ex suprâ dictis
autem

autem apparet, remedia ad hoc consilium absol-
vendum alia in aliis idonea esse.

Quænam sit natura et causæ conditionum cor-
poris, quæ tam multum morbos variare possunt,
non est hîc locus exquirendi. Ut demùm huic
dissertationi finem imponam, haud minus mihi-
metipfi quàm meis Lectoribus pergratum est.



EX TYPOGRAPHEO ACADEMICO.

